



Broj: 05-04-20-2263-7/26
Maglaj, 28.04.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2263-5/26 od 28.04.2026. godine, u postupku javne nabavke „Nabavka aparata za zaštitu organa za disanje (izolacioni aparati)“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci aparata za zaštitu organa za disanje (izolacioni aparati) dodjeljuje se ponuđaču “TEVE VARNOST ELEKTRONIKA” d.o.o. Visoko, u skladu sa ponudom broj 060-BA/2026 od 20.04.2026. godine, po ukupnoj cijeni od 17.094,00 KM bez PDV-a, odnosno 19.999,98 KM sa uračunatim PDV-om.

II

Izabrani ponuđač iz tačke I oslobađa se obaveze dostavljanja dokumentacije koja je tenderskom dokumentacijom utvrđena kao dokumentacija koju dostavlja izabrani ponuđač, s obzirom da je ista dostavljena uz ponudu.

III

Za realizaciju ove odluke zadužuju se Služba za urbanizam, geodetske i imovinsko-pravne poslove i Služba civilne zaštite Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2263/26 od 14.04.2026. godine, pokrenut je postupak javne nabavke „Nabavka aparata za zaštitu organa za disanje (izolacioni aparati)“, putem konkurentskog zahtjeva za dostavu ponuda. Predmetna nabavka objavljena je na portalu javnih nabavki, Obavještenje o nabavci broj 1140-7-1-48-3-44/26 od 15.04.2026. godine. Sažetak obavještenja o nabavci objavljen je u „Službenom glasniku BiH“, broj 27/26.

Procijenjena vrijednost nabavke je 17.094,02 KM bez PDV-a, odnosno 20.000,00 KM sa uračunatim PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za nabavku imenovana Odlukom Općinskog načelnika, broj 05-04-20-2263-2/26 od 20.04.2026. godine

(u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljena samo jedna ponuda, kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“TEVE VARNOST ELEKTRONIKA” d.o.o. Visoko	Industrijska zona Ozakovići bb, Visoko	22.04.2026. 12,56h	4033

Komisija je, prilikom otvaranja ponuda, konstatovala da je zaprimljena ponuda prihvatljiva prema formi, obliku i potpunosti, odnosno dostavljena je u zatvorenoj koverti, na kojoj su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponude, kako bi utvrdila da li ista ispunjava zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je ponudu ocijenila prihvatljivom.

E-aukcija u predmetnom postupku nije održana, s obzirom da je zaprimljena samo jedna ponuda. Budući da je Komisija dostavljenu ponudu ocijenila prihvatljivom, ista se može smatrati prvorangiranom u ovom postupku nabavke:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	“TEVE VARNOST ELEKTRONIKA” d.o.o. Visoko	17.094,00	19.999,98

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku aparata za zaštitu organa za disanje (izolacioni aparati) dodijeli ponuđaču „TEVE VARNOST ELEKTRONIKA” d.o.o. Visoko. Preporuka je, zajedno sa izvještajem o radu Komisije, dostavljena rukovodiocu ugovornog organa 28.04.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristigle ponude, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu i da e-aukcija nije održana, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Služba civilne zaštite
4. Web stranica
5. a/a



OPĆINSKI NAČELNIK
Maid Suljaković

